

Ysgol Gynradd Wirfoddol Reoledig Glan-y-fferi Prospectws



**Plannu heddiw,
medi yfory**



Eco-Schools 2015
Platinum Award



Gwobr Platinwm
Eco-Sgolion 2015

YSGOL GYNRADD WIRFODDOL REOLEDIG GLAN-Y-FFERI

"Plannu heddiw, medi yfory"

Gweledigaeth Ysgol

Gyda'n gilydd yn Ysgol GWR Glanyfferi, ein gweledigaeth yw meithrin disgyblion gonest, gofalgarg sy'n ffynnu ym mhopeth a wnânt, sy'n ddysgwyr gwydn, hyderus, annibynnol gydol oes sy'n parchu gwerthoedd Cristnogol Ysgol Eglwys.

Rydym yn cydnabod elfen hanesyddol yr ysgol, byddwn yn cadw ac yn datblygu ei chymeriad crefyddol yn unol ag egwyddorion yr Eglwys yng Nghymru ac mewn partneriaeth â'r Eglwys ar lefel plwyf ac esgobaeth. Rydym yn annog dealltwriaeth o ystyr ac arwyddocâd ffydd ac yn hyrwyddo gwerthoedd Cristnogol trwy'r profiad y mae'n ei gynnig i'w holl ddisgyblion.

Ysgol GWR

alluog
Glanyfferi
ofalgarg
wybodus
weithgar



Plannu heddiw, medi yfory



Cyflwyno ein Hysgol

Enw a chyfeiriad yr ysgol	Ysgol Gynradd Wirfoddol Roledig Glan-y-Fferi Glan-y-Fferi Sir Gaerfyrddin SA17 5TB
Rhif ffôn	01267 267463
E-bost	admin@ferryside.ysgolccc.org.uk
Pennaeth Dros Dro	Mrs Michelle Evans
Athrawes Cyfnod Sylfaen	Mrs Michelle Evans
Athrawes Cyfnod Allweddol Dau	Mrs Laura Howells
Cynorthwywyr Addysgu	Mrs Gemma Burton Miss Leah Bonnell
Athrawes Cerdd	Mrs Gayle Davies
Swyddog Cynorthwyo Ysgolion	Mrs Helen Williams
Gofalwraig	Mrs Corinna Buckley
Glanhawr	Mr Jason Dickson
Cynorthwywraig Cegin	Mrs Corinna Buckley
Cynorthwywragedd Canol Dydd	Mrs G. Burton Miss L.Bonnell
Clwb Brecwast	Mrs G.Burton Mrs Laura Jones Mrs Corinna Buckley
Clwb Gofan Ffrindiau'r Fferi	Mrs Jo Millross Mrs Corinna Buckley

Cofiwch – os oes gennych unrhyw bryderon cysylltwch â'r pennaeth yn syth.

Corff Llywodraethol Ysgol Wirfoddol Reoledig Glan-y-Fferi

Cadeirydd y Llywodraethwyr

Cynghorydd Lewis Eldred Davies

Cynrychiolydd yr ALI

Is Gadeirydd

Mrs Rhinnedd Eyton-Jones

Cynrychiolydd y Sefydliad

Llywodraethwyr

Mrs M Evans

Pennaeth dros dro

Mrs L.Howells

Cynrychiolydd Athrawon

Mrs Ceri Lilly

Cynrychiolydd Gymuned

Mrs Kath Morgan

Cynrychiolydd Gymuned

Cllr Alicia Dalton

Cynrychiolydd Gymuned
Ychwanegol

Mrs Katie Hayhurst

Cynrychiolydd Rhieni

Mrs Rebecca Corbett

Cynrychiolydd Rhieni

Tad Glyn Austin

Cynrychiolydd y Sefydliad

Eraill:

Parch. P. Johnes

Ymwelydd yr Esgob

Clerc i'r Corff Llywodraethol

Mrs H. Williams
Ysgol G(W)R Glan-y-Fferi
Glan-y-Fferi
Sir Gaerfyrddin SA17 5TB

Llywodraethwr sydd â gofal am Anghenion Arbennig: Mrs Ceri Lilly

Swyddog Amddiffyn Plant (Llywodraethwr): Mrs Rh. Eyton-Jones

Datganiad ar Ethos Crefyddol Ysgol G(W)R Glan-y-Fferi

Gan gydnabod ei sylfaen hanesyddol bydd yr ysgol yn cadw ac yn datblygu ei chymeriad crefyddol yn unol ag egwyddorion yr Eglwys yng Nghymru ac mewn partneriaeth â'r Eglwys ar lefel plwyf ac esgobaeth.

Nod yr ysgol yw gwasanaethu ei chymuned trwy ddarparu addysg o'r ansawdd uchaf o fewn cyd-destun cred ac ymarfer Cristnogol. Mae'n annog dealltwriaeth o ystyr ac arwyddocâd ffydd, ac yn hyrwyddo gwerthoedd Cristnogol trwy'r profiad y mae'n ei gynnig i'w holl ddisgyblion.

Math o Ysgol a'i Lleoliad

Ysgol wirfoddol, gynradd, gydaddysgol, ddyddiol yw Glan y Fferi. Fe'i hadeiladwyd yn y flwyddyn 1856, a lleolir yr adeilad garreg lwyd, nodweddiadol o Oes Fictoria, yng nghanol y pentref sydd ryw dair milltir o dref Cydweli a naw milltir o dref Caerfyrddin. Yn fras y dalgylch yw plwyf Sant Isfael, sy'n cynnwys Glan-y-fferi, Llansaint, Sant Isfael, Broadway a Broadlay.

Dysgir y ddau dosbarth yn y prif adeilad. Mae dau adeilad wrth gefn yr ysgol. Defnyddir un fel ffreutur ac mae'r llall yn cynnwys dwy ystafell ddosbarth. Defnyddir i amryw bwrpas gan gynnwys neuadd a chanolfan adnoddau. Mae'r Clwb ar ôl Ysgol yn cyfarfod tair noson yr wythnos yn un o'r ystafelloedd hyn.

Mae ein hardal waith a chwarae allanol yn datblygu'n barhaol, gyda glaswellt wrth flaen yr Ysgol a gwelyau blodau a llysiau, sy hefyd yn cefnogi ein prosiectau Eco a Bwyta Iach.

Polisi Iaith

Yn unol â pholisi iaith ysgolion Sir Gaerfyrddin ein prif nod yn yr ysgol yw dysgu'r plant i fod yn ddwyieithog, yn y Gymraeg a'r Saesneg, erbyn iddynt adael yr ysgol gynradd i'w galluogi i fod yn aelodau cyflawn o'r gymdeithas ddwyieithog y maent yn rhan ohoni.

Cymraeg yw prif iaith adran y babanod er mwyn galluogi'r plant i ddatblygu sylfaen gadarn yn yr iaith. Cyflwynir y Gymraeg â sensitifrwydd i ddysgwyr gan barchu eu mamiaith. Nid oes yn rhaid i'r plant fedru'r Gymraeg cyn mynychu'r ysgol ac yn gyffredinol maent yn dechrau deall yn gyflym iawn. Cyflwynir dysgu Saesneg yn ffurfiol wrth i blentyn symud i Gyfnod Allweddol 2. Meithrinir ymagwedd gadarnhaol tuag at y ddwy iaith o'r cychwyn cyntaf. Gellir trosglwyddo sgiliau ieithyddol o un iaith i'r llall, a bydd y datblygiad mewn un iaith yn atgyfnerthu ac o gymorth i'r llall.

Gwasanaeth Bws am Ddim

Darparir gwasanaeth bws yn rhad ac am ddim i blant pum mlwydd oed a hŷn sy'n byw dros ddwy filltir o'r ysgol. Gellid gwneud ceisiadau ar lein i adran trafniadau Cyngor Sir Gaerfyrddin.

Derbyn Plant Newydd

Yn unol â chanllawiau'r Awdurdod Addysg Leol, derbynnir plant i'r ysgol ar ddechrau'r tymor wedi iddynt ddathlu ei b/phedwaredd pen-blwydd.

Rhaid cofrestru plant ar-lein ar www.carmarthenshire.gov.uk. Mae Swyddog Cefnogi'r Ysgol yn hapus i helpu cofrestru'ch plentyn os nad oes gennych fynediad i'r we.

Gwneir trefniadau i blentyn ymweld â'r ysgol yn achlysurol am hanner diwrnodau neu ddiwrnodau llawn yn y tymor cyn iddo/iddi ddechrau ysgol. Rhoddir pecyn cychwynnol gan yr ysgol sy'n cynnwys amryw o ffurflenni a gwybodaeth.


Mae croeso i blant a'u rhieni ymweld â'r ysgol ar unrhyw bryd. Byddai o help mawr petai rieni yn cysylltu â'r ysgol yn gyntaf i wneud apwyntiad i sicrhau nad oes gormod o amharu ar waith bob dydd yr ysgol.

Cytundeb Ysgol–Cartref

Mae gan yr ysgol gytundeb ysgol–cartref sy'n amlinellu disgwyliadau'r ysgol, rhiant a disgybl. Gofynnir yn garedig i rieni newydd i arwyddo copi o'r cytundeb a'i anfon yn ôl i'r ysgol.

Diwrnod Ysgol

Sesiwn y bore	8.45yb–12.00yp
Egwyl y bore i'r Cyfnod Sylfaen	10.30yb–10.50yb
Cyfnod Allweddol 2	10.35yb–10.50yb
Amser cinio	12.00yp–1.00yp
Prynhawn	1.00yp–3.15yp
Egwyl y prynhawn i'r Cyfnod Sylfaen	2.30yp–2.45yp
Cyfnod Allweddol 2	2.30yp–2.45yp



Rhoddir pwyslais ar brydlondeb ar bob achlysur. I gynorthwyo rhieni mae Clybiau Brecwast a Hwyr ar gael (gweler trosodd). Er mwyn sicrhau eu diogelwch ni ddylai'r plant gyrraedd yr ysgol cyn 8.45yb ac ni ddylent oedi gormod cyn cael eu casglu ar ddiwedd diwrnod ysgol. Rhaid i'r plant sy'n cyrraedd ysgol cyn 8.45yb fynychu'r Clwb Brecwast a leolir yn y ffreutur.

Bydd cofrestr y bore yn cael ei gadw ar agor tan 9.30yb a chofrestr y prynhawn tan 1.30yp. Os na fydd eich plentyn/plant yn yr ysgol cyn yr amserau hyn ac os nad yw'r ysgol wedi cael ei hysbysu am salwch, yna ystyrir yr absenoldeb fel absenoldeb heb ganiatâd. Mae gan yr ysgol gofrestr electroneg ac mae'n cadw llyfr hwyr yn unol â chanllawiau'r sir.

Os oes unrhyw newid yn nhrefniadau casglu plentyn o'r ysgol a wnewch chi fod mor garedig â rhoi gwybod i'r athrawes ddosbarth neu'r pennaeth drwy lythyr neu ganiad ffôn. Dylai rhieni plant hyn sydd am iddynt gerdded adref ar eu pen eu hun o'r ysgol roi gwybodaeth yn ysgrifenedig i'r pennaeth.



Clwb Brecwast

Mae Clwb Brecwast ar agor o 8.00yb hyd 8.45yb gyda'r gweini olaf yn digwydd am 8:30yb. Dylai'r plant fynd yn syth i'r ffreutur wrth gyrraedd. Fe gânt eu goruchwyllo gan aelodau o staff. Y brecwast yw dewis o rawnfwyd, tost neu laeth. Noder nad oes tâl am y cyfleuster hwn.

Clwb Ar ôl Ysgol - Ffrindiau'r Fferi

Mae'r Clwb yn cwrdd tair noson yr wythnos ac mae'n cael ei rhedeg gan staff yr Ysgol ar Ddydd Llun, Mawrth, a Dydd Iau. Mae un lle ar bymtheg bob nos a gofynnir i'r rhieni sicrhau lle i'w plentyn/plant drwy ddanfôn neges ar dudalen 'DoJo' yr ysgol.

Oriau'r Clwb yw 3.15yp i 5.14yp i bawb. Rhoddir gwybodaeth i'r rhieni am ddigwyddiadau arbennig a'r taliad.

Goruchwyliaeth

Goruchwylir y disgyblion gan oedolion

- yn y bore o 8.45yb (o 8.00yb os ydynt yn mynychu'r clwb brecwast)
- yn ystod egwyl y bore
- dros amser cinio
- yn ystod egwyl y prynhawn.

Mae pob athrawes yn sicrhau bod y disgyblion yn gadael yr ysgol neu'n mynychu'r Clwb ar ôl ysgol ar ddiwedd y dydd.

Cylch Meithrin/Ti a Fi Glan-y-Fferi

Mae Cylch Meithrin/Ti a Fi annibynnol yn rhedeg ar safle'r Ysgol i rieni a phlant hyd at oed ysgol. Arweinir y Cylch gan Mrs L. Jones ac mae'n hybu gweithgareddau fel coginio, canu a celf a chreffft trwy gyfrwng y Gymraeg. Mae dod i'r cylch yn gyfle gwyh i'r plant gyfarwyddo â'r ysgol cyn dechrau'n llawn amser.

Absenoldebau

I sicrhau diogelwch y plant gofynnir yn garedig i rieni rhoi gwybod i'r ysgol am absenoldeb plentyn **ar y bore cyntaf** trwy alwad ffôn/ e-bost.

Os bydd gan blentyn apwyntiad wedi ei drefnu ymlaen llaw (er enghraifft gyda'r deintydd, gyda'r meddyg neu yn yr ysbyty) gofynnir i'r rhieni i roi gwybodaeth i'r athrawes ddosbarth ymlaen llaw. Gofynnwn i rieni wneud apwyntiadau tu allan i oriau Ysgol lle'n bosib.

Cynghorir rhieni i beidio fynd â'i plant allan o'r Ysgol am wyliau.

Pan fydd plentyn wedi bod yn absennol am unrhyw reswm mae angen eglurhad oherwydd rhaid i'r ysgol roddi rhesymau am absenoldebau ar y cofrestr electroneg.

Trefniant Dosbarth

Mae dau ddosbarth yn yr ysgol pob un wedi ei drefnu mewn grwpiau o allu cymysg. Mae trefniant dosbarth yn medru newid yn ôl rhif y staffio a rhifau'r plant ym mhob oedran.

Dosbarth Tomos- Dysgu Sylfaen

Dosbarth Ishmael- Cyfnod Allweddol 2



Trosglwyddo i Ysgol Gyfun

Trosglwyddir y plant i Ysgol Gyfun Bro Myrddin, Ysgol Uwchradd y Frenhines Elisabeth neu Ysgol Uwchradd Glan-Y-Môr yn y mis Medi yn dilyn eu pen-blwydd yn un ar ddeg mlwydd oed. Mae gan rieni, er hynny, hawl i ddanfôn

eu plant i unrhyw ysgol uwchradd o'u dewis, ar ôl ymgynghori â'r Swyddfa Addysg Leol.

Y Cwricwlwm


Darperir cyfleoedd ar gyfer profiadau ymarferol ac uniongyrchol gan ddefnyddio adnoddau lleol, lle bo modd, ar ffurf ymweliadau, ffotograffau a siaradwyr lleol. Fel hyn bydd y plant yn dysgu parchu eu hamgylchedd.

Cwricwlwm i Gymru:

Mae pedwar diben y cwricwlwm, yn sail i'r holl waith o gynllunio a datblygu Cwricwlwm i Gymru 2022. Dyma'r man cychwyn ar gyfer pob penderfyniad am Gwricwlwm i Gymru 2022 a dylid dylunio a llywio cwricwla ar lefel ysgol yn unol â'r pedwar diben hwn. Mae 'cwricwlwm' yn cynnwys yr holl brofiadau dysgu a gweithgareddau asesu a gynlluniwyd er mwyn cyflawni pedwar diben y cwricwlwm, sef datblygu plant a phobl ifanc i fod yn:

- ✓ ddysgwyr uchelgeisiol, galluog sy'n barod i ddysgu drwy gydol eu hoes
- ✓ cyfranwyr mentrus, creadigol sy'n barod i chwarae eu rhan yn llawn yn eu bywyd a'u gwaith
- ✓ dinasyddion egwyddorol, gwybodus Cymru a'r byd
- ✓ unigolion iach, hyderus sy'n barod i fyw bywyd gan wireddu eu dyheadau fel aelodau gwerthfawr o gymdeithas.

Yn Ysgol Glanyfferi rydym wedi mabwysiadu y cymeriadau canlynol i atgyfnerthu y pedwar diben sef:-



Mae'r Cwricwlwm wedi'i gynllunio i helpu pob dysgwr i wireddu'r pedwar diben hwn. Mae pob diben yn fwy na phennawd; fe'u disgrifir hefyd yn nhermau nodweddion allweddol. Dylent, yn eu cyfanrwydd, fod yn sail i'r holl addysgu a dysgu yng Nghymru.

Bwriedir i ganllawiau Cwricwlwm i Gymru 2022 gynorthwyo athrawon ac ymarferwyr a gweithwyr proffesiynol ym myd addysg i fanteisio ar yr ymreolaeth i wneud penderfyniadau ar lefel ysgol o fewn fframwaith cyffredin, a chynllunio a datblygu cwricwla sy'n berthnasol i gyd-destun ac anghenion penodol dysgwyr. Mae hyn hefyd yn berthnasol i leoliadau a ariennir nas cynhelir.

Mae Cwricwlwm i Gymru 2022 hefyd wedi'i ddatblygu i adlewyrchu'r cryfderau y mae'r Cyfnod Sylfaen wedi eu cyfrannu i addysg yng Nghymru. Bydd ethos, egwyddorion ac addysgeg y Cyfnod Sylfaen yn parhau i fod yn ganolog i addysg y blynyddoedd cynnar ac maent wedi'u hymgorffori ar draws Cwricwlwm i Gymru 2022 er mwyn sicrhau ei fod yn briodol ac yn hygyrch i bob ymarferydd a dysgwr.

Mae Cwricwlwm i Gymru 2022 yn trefnu dysgu o gwmpas [chwe maes dysgu a phrofiad](#) sef:

- Ieithoedd, Llythrennedd a Chyfathrebu
- Mathemateg a Rhifedd
- Dyniaethau
- Gwyddoniaeth a Thechnoleg
- Iechyd a Lles
- Celfyddydau Mynegiannol

Cynlluniwyd pob un o'r meysydd dysgu a phrofiad i helpu dysgwyr i wireddu pedwar diben y cwricwlwm, ac maent yn darparu'r man cychwyn a'r dyhead wrth ddatblygu cwricwlwm ar lefel ysgol. Maent yn cwmpasu'r pynciau a'r disgyblaethau cyfredol, a'u nod yw hyrwyddo dull cydweithredol a thraws ddisgyblaethol o gynllunio a datblygu cwricwlwm ysgol

Gwersi Cerdd

Mae gan flynyddoedd 3–6 y cyfle i gael gwersi cerddoriaeth Ceir gwybodaeth bellach yn yr ysgol.



Gwersi Gemau

Mae cymryd rhan mewn gemau ac ymarfer corff yn rhan annatod o ddatblygiad plentyn. Mae'n rhoi amryw o brofiadau i blentyn gan hybu iechyd a hyder yn ogystal â rhoi mwynhad a phleser. Mae hefyd yn hybu cydweithio yn ogystal â datblygu sgiliau.

Mae gwersi ymarfer corff, sy'n rhan o'r Cwricwlwm, yn cymryd lle yn rheolaidd yn ystod oriau ysgol. Defnyddir un dosbarth, yr iard, Neuadd y Pentref a'r Cae Chwarae i'r gwersi yma. Lle'n bosib daw hyfforddwyr chwaraeon allanol i fewn i addysu sgiliau e.e. rygbi aawns.

Yn ystod Tymor y Gwanwyn cynhelir gwersi nofio dyddiol dros gyfnod o dair wythnos i ddisgyblion blynyddoedd 3–6 yng Nghanolfan Hamdden Caerfyrddin.

Os nad yw plentyn i gymryd rhan mewn gwers ymarfer corff byddwn yn ddiolchgar i dderbyn llythyr o eglurhad neu alwad ffôn i esbonio'r mater.

Gwaith Cartref

Cyfnod Sylfaen: Meithrin, Dosbarth Derbyn a Blynyddoedd 1 a 2

Rhoddir gwaith cartref yn ôl gofyn yr athrawes ddosbarth. Rhoddir gwaith cartref darllen yn rheolaidd a gofynnir i chi fel rhieni wrando ar eich plentyn yn darllen, i drafod y stori/llyfr gyda nhw ac i arwyddo'r llyfr priodol.

Cyfnod Allweddol 2: Blynyddoedd 3–6

Gosodir gwaith cartref ar gyfer disgyblion Cyfnod Allweddol 2 sy'n cael ei roi yn ymestyniad o waith arferol yr ysgol. Dylai'r gwaith gael ei gyflwyno'n dachus. Rhoddir gwaith cartref darllen yn rheolaidd a gofynnir i chi fel rhieni wrando ar eich plentyn yn darllen, trafod y cynnwys gyda nhw ac i arwyddo'r llyfr priodo

Cyd-addoliad dyddiol

Cynhelir cyd-addoliad crefyddol yn ddyddiol, bob bore. Mae ymlyniadau gan Ysgol Glan-y-Fferi â'r Eglwys yng Nghymru ac mae'r ficer yn ymweld â'r ysgol yn wythnosol.

Mae hawl gan rieni i eithrio eu plant o gydaddoli a gellir gwneud hyn drwy wneud cais i'r pennaeth mewn llythyr neu drwy drafodaeth. Fe fydd plentyn sy'n cael ei eithrio o'r cydaddoli yn astudio gydag aelod o staff.

Addysg Rhyw

Cyflwynir Addysg Rhyw fel rhan o Gwricwlwm Datblygu Addysg Bersonol a Chymdeithasol yn yr ysgol. Bydd ar gael i'r holl ddisgyblion gan gymryd i ystyriaeth oed, aeddfedrwydd, datblygiad a chredoau'r disgyblion. Fe'i gosodir yng nghyd-destun cariad, gofal, ystyriaethau moesol a gwerth bywyd teuluol.

Trefnir bod nyrs yr ysgol yn ymweld â'r plant hynaf i drafod agweddau sy'n ymwneud â 'Thyfu i fyny'.

Pan fo rhieni yn pryderu am Addysg Rhyw fe allent dynnu eu plentyn allan o unrhyw ran o'r rhaglen nad yw'n gynwysedig yn y Cwricwlwm Cenedlaethol. Yn yr achos o gais ysgrifenedig, gwahoddir rhieni i drafod eu gofidiau gyda staff a/neu lywodraethwyr ac fe wneir trefniadau priodol i ddelio â dymuniadau rhieni lle bo hynny'n ymarferol bosibl.

Anghenion Dysgu Ychwanegol (ADY)

Os gwelir fod problemau addysgol gan blentyn fe gysylltir gyda'r rhieni i gael trafod sut y mae orau i fynd ati i helpu'r plentyn.

Mae disgyblion sydd ag Anghenion Dysgu Ychwanegol (ADY) yn cael eu integreiddio i mewn i'r dosbarth. Mae cynorthwywagedd yn cymryd grwpiau ymyraeth yn ystod yr wythnos i helpu plant ag Anghenion Dysgu Ychwanegol

(ADY). Cysylltir gyda rhieni'r plant sydd ar y gofrestr Anghenion Dysgu Ychwanegol (ADY) yn dymhorol a chaiff pob un gopi o Gynllun Addysgiadol Unigolyn ei plentyn.

Hefyd mae gwasanaeth seicolegol gan yr awdurdod. Cysylltir â'r rhieni mewn unrhyw achos lle gwelir angen y cymorth hwn.

Mwy Abl a Thalentog

Os yw plentyn yn cael ei ganfod i fod yn fwy abl a thalentog, rhoddir gwybodaeth i'r rhieni a bydd yr athrawon yn sicrhau bod ei plentyn yn cael ei herio o fewn y dosbarth. Mae'r staff wedi derbyn hyfforddiant ar wahaniaethu ar gyfer disgyblion mwy abl a thalentog.

Anabledd

Mae'r giât gefn yn fynedfa addas i gadair olwyn. Rhoddwyd rampiau i dair mynedfa yn y ddau gaban. Hefyd mae mynedfa addas i'r prif adeilad yn ffrynt yr ysgol.

Fe ofynnir am ddarpariaeth addas ar gyfer unrhyw blentyn ag anghenion eraill a fyddai'n dechrau yn yr ysgol.

Cyfleoedd Cyfartal

Mae gan yr ysgol bolisi cyfleoedd cyfartal. Pwrpas y polisi yw sicrhau bod gan bob disgybl fynediad cyfartal i gwricwlwm cytbwys, eang a pherthnasol. Mae hefyd yn sicrhau fod gan yr holl ddisgyblion gyfleoedd cyfartal i ddatblygu sgiliau personol a chymdeithasol, a chyfleoedd i gymryd rhan mewn gweithgareddau allgyrsiol.

Mae copi o'r polisi ar gael yn yr ysgol.

Adrodd i'r Rhieni

Cynhelir cyfarfod gyda'r rhieni yn ystod tymor yr Hydref i osod a thrafod targedau'r plant. Gwahoddir y rhieni i'r ysgol yn ystod Tymor y Gwanwyn er mwyn gweld yr ysgol ar waith. Cyflwynir adroddiad ysgrifenedig i'r rhieni yn flynyddol, yn ystod Tymor yr Haf.

Yn ychwanegol i hyn gweithredir cynllun drws agored lle gall rhiant ffonio i wneud apwyntiad i weld athrawes ddosbarth neu'r brifathrawes i drafod gwaith eu plentyn neu unrhyw fater perthnasol addysgiadol arall.

Trefniadaeth Fugeiliol

Mae'r athrawesau dosbarth yn gyfrifol am gadw golwg ar unrhyw broblemau corfforol neu emosiynol a gwyd ymhlith disgyblion unigol gan geisio eu datrys.

Cedwir cysylltiad agos rhwng y brifathrawes a'r staff ymhob achos. Gofynnir i'r rhieni gysylltu â'r pennaeth ar unwaith os oes problem gan blentyn.

Rydym yn cymryd pob gofal i sicrhau diogelwch y plant yn yr ysgol. Caiff mân ddoluriau eu trin gan yr athrawon. Os digwydd damwain mwy difrifol i unrhyw blentyn, cedwir record o'r digwyddiad, a chysylltir â'r rhieni cyn gynted â phosibl. Os bydd angen fe drosglwyddir y plentyn i dderbyn triniaeth feddygol.

Os bydd plentyn yn sâl yn ystod oriau ysgol fe gysylltir â rhiant. Mae'n bwysig cael rhif ffôn lle y gellir cyrraedd rhiant, aelod o'r teulu neu ffrindiau agos.

Os oes angen i athro/athrawes roi moddion i blentyn mae'n hanfodol bwysig fod *cyfarwyddiadau ysgrifenedig* cywir yn cael eu rhoi i'r athro/athrawes ymlaen llaw. Ni ddylai blentyn gadw meddyginiaeth yn ei fag ond dylid ei roi i aelod o staff wrth gyrraedd ysgol.

Polisi Diogelu Plant

Mae gan yr ysgol gyfrifoldeb i sicrhau lles pob disgybl ac felly mae gennym bolisi a chanllawiau diogelu plant. Efallai bydd yn ofynnol i ni i gyfeirio plentyn i'r asiantaethau statudol lles plant os credwn fod y plentyn neu blant eraill mewn perygl. Fe wnawn ymdrechu i weithio gyda rhieni/gwarcheidwaid ynglŷn â lles eu plentyn gan fod yn ddiduedd os yw eu plentyn ar fin neu wedi eu cyfeirio.

Byddai unrhyw gyfeiriad a wneir er lles y plentyn ac fe fyddai'r ysgol yn sicrhau bod rhieni /gwarcheidwaid yn cael eu hysbysu am ddatblygiad lles ac addysg y plentyn.

Mae copi o'r polisi ar gael yn yr ysgol ac ar wefan yr ysgol.

Swyddog Diogelwch yr ysgol yw'r pennaeth dros dro, Mrs Michelle Evans, a'r Swyddog Amddiffyn Plant ar y Bwrdd Llywodraethol yw Mrs Rhinedd Eyton-Jones.

Polisi Atal Bwlio

Bwlio yw'r awydd bwriadol ac ymwybodol i niweidio, bygwth neu godi ofn ar rywun drwy air neu weithred. Mae gan yr ysgol bolisi clir ar gyfer delio ag unrhyw achos o fwlio. Os oes gofid ar rieni am y mater hwn fe'u hannogir i drafod materion yn gyfrinachol gyda'r pennaeth.

Mae copi o'r polisi ar gael yn yr ysgol neu ar wefan yr ysgol.

Disgyblaeth

Mae'r pennaeth a'i staff yn gwneud eu gorau i greu ysgol hapus a chyfeillgar i'r disgyblion.

Disgwylir i'r plant gydymffurfio â safonau ymddygiad yr ysgol, ac i reoli eu hunain mewn modd trefnus a chwrtais, ac i barchu hawliau ag eiddo eu cydddisgyblion, ymwelwyr ac aelodau o staff.

Nodir isod rhai o reolau pwysig yr ysgol. Disgwylir i'r plant:

- ✓ ddangos parch tuag at eu cyd-ddisgyblion ac oedolion
- ✓ ufuddhau i gyfarwyddiadau'r staff
- ✓ fod yn brydlon
- ✓ barchu llyfrau, offer, dodrefn a chyfarpar yr ysgol a'r amgylchedd
- ✓ barchu eiddo personol cyd-ddisgyblion ac i beidio â dod ag eiddo costus i'r ysgol
- ✓ weithio yn dawel a diffwdan yn ystod y gwersi
- ✓ gerdded bob amser tu fewn i'r ysgol
- ✓ ufuddhau i drefniadau drill tân
- ✓ beidio dod â photeli gwydr, 'gwm cnoi' na lolipops i'r ysgol. Caniateir i'r plant ddod a ffrwythau/dŵr i'r ysgol i'w bwyta/yfed yn ystod y dydd
- ✓ beidio gwisgo gemau gwerthfawr i'r ysgol; disgwylir i'r plant sy'n gwisgo clustdlysau wisgo'r math 'stud'; ni chaniateir gwisgo clustdlysau, wats, modrwyau ag ati yn ystod gwersi gemau a nofio
- ✓ beidio â gadael yr ysgol heb ganiatâd.

Trefniadau Delio â Chwynion

Mae trefniadau sefydledig i ddelio â chwynion ynglŷn â chwricwlwm yr ysgol, addoli ar y cyd a materion perthnasol eraill. Mae copi o'r polisi ar gael yn yr ysgol.

Yn y lle cyntaf dylai cwynion gael eu gwneud i'r athrawes ddosbarth. Bydd pob ymdrech yn cael ei wneud i ddatrys y mater ar y lefel hwn. Ei chyfrifoldeb hi yw hysbysu y brifathrawes os oes angen. Os yw'r pryder ynglŷn ag ymddygiad y pennaeth dylai'r mater gael ei roi o flaen Cadeirydd y Llywodraethwyr.

Gwisg Ysgol

Er nad yw yn orfodol fe anogir y plant i wisgo'r wisg ysgol. Dyma fanylion y wisg.

Bechgyn	Trowsus llwyd neu drowsus loncian las tywyll Crys polo glas golau
Merched	Trowsus/sgert neu diwnig glas tywyll Crys polo/blows glas golau Ffrog haf 'gingham' glas a gwyn
Pawb	Crys chwys/siwmper/cardigan/fleece las tywyll



Gellir prynu'r wisg ysgol o Evans & Wilkins yng Nghaerfyrddin, Picton Sport neu Manhattan Marketing yn Llanelli neu wrth Tesco ar y We.

Tu fewn	Siorts, crys t neu bolo ac esgidiau addas
Tu fas	Fel uchod ond ar ddiwrnodau oer gellir gwisgo trowsus loncian a thop cynnes
Nofio	Trowsus/gwisg nofio, gogls a chap nofio

Mae'n bwysig bod *enw'r plentyn yn glir* ar ei ddillad gan gynnwys ei got/ chot a'i ddillad ymarfer corff.

Cinio Ysgol

Caiff ddisgyblion oed cynradd ginio ysgol am ddim. Paratoir cinio yng nghegin Ysgol y Castell, Cydweli ac fe'i ddarperir yn ein ffreutur yn ddyddiol. Darperir bwydlen arbennig fel bod angen. Dylid archebu prydiau eich plenty trwy *Parent Pay Sir Gaefyrddin*. Mae rhai teuluoedd yn gallu hawlio cinio rhad. Mae manylion pellach ar wefan yr Awdurdod Addysg Lleol.

Y mae yna drefniadau i blant fwyta brechdanau o dan oruchwyliaeth yn y ffreutur.

Yn ystod yr awr ginio mae dwy gynorthwywraig yn gofalu am y plant.



Llaeth am Ddim

Mae cynllun gan yr awdurdod i ddarparu llaeth am ddim i blant y Cyfnod Sylfaen. Os nad ydych am i'ch plentyn dderbyn llaeth a fydddech cystal â thrafod hyn gyda'r athrawes ddosbarth os gwelwch chi'n dda.

Gwasanaeth Iechyd

Mae ymwelwyr iechyd yn ymweld â'r ysgol o bryd i'w gilydd. Os oes gennych wrthwynebiad i'ch plentyn gael ei weld/gweld gan un o'r uchod rhaid rhoi gwybod i'r pennaeth.

Trefniant Diogelwch

Gofynnir i chi *beidio* â pharcio ar y llinellau melyn igam-ogam tu allan i gatiau ffrynt a chefn yr ysgol.

Gofynnir i rieni sy'n casglu eu plant am 3.15pm i fynd i giât gefn yr ysgol a gofynnir iddynt hefyd ddod mewn i iard yr ysgol i dderbyn eu plant. Mae hyn er mwyn diogelu'r plant am nad oes palmant tu allan i giât gefn yr ysgol.

Gofynnir i ymwelwyr ddefnyddio'r brif fynedfa gan sicrhau bod gatiau ar gau i ddiogelu'r safle. Mae cloch i ymwelwyr sy'n caniatáu mynediad rheoledig i'r adeilad.

Mae staff a phlant yr ysgol yn ymarfer dril tân yn rheolaidd.

Diogelwch Ffordd

Mae plant blwyddyn 6 yn derbyn gwersi beicio diogel yn ystod Tymor yr Haf.

Gwersylloedd

Mae plant blynyddoedd 3,4, 5 a 6 yn ymweld â Manor Adventure, Canolfan Yr Urdd yng Nghaerdydd neu Wersyll yr Urdd Llangrannog, am dri diwrnod bob blwyddyn. Maent yn cael y cyfle i gymryd rhan mewn nifer o weithgareddau.

Gweithgareddau Eraill

Byddwn yn annog y plant i gymryd rhan mewn:

- cyngherddau a gwasanaethau ysgol
- mabolgampau
- athletau tu fas a thu fewn
- cystadlaethau'r Urdd
- cysylltiadau â'r ysgolion cyfun
- gweithgareddau'r gwasanaeth cerdd sirol
- ymweliadau ag orielau celf.

Ymweliadau Addysgiadol

Trefnir ymweliadau â lleoedd o ddiddordeb sy'n cyd-fynd â themâu'r tymor, e.e. Castell Henllys, Gerddi Botaneg Cenedlaethol Cymru.

Yn achlysurol telir am ymweliadau allan o Gronfa'r Ysgol, neu ceir cymorthdal gan y Gymdeithas Rieni ac Athrawon. Er hynny, oherwydd bod angen talu am fysiau ac ambell dro fynediad byddwn o bryd i'w gilydd yn gofyn i'r rhieni am gyfraniad ariannol. Rhoddir gwybodaeth trwy lythyr i'r rhieni am ymweliadau a rhaid iddynt arwyddo ffurflen ganiatad er mwyn i'r plentyn gael cymeryd rhan.

Polisi Codi Tâl

Gofynnir hefyd am gyfraniad o £15 at y bws sy'n mynd â phlant blynyddoedd 3–6 i'r pwll nofio.

Yn achlysurol ni fydd yr ysgol yn medru talu am holl gostau gweithgaredd. Wedyn fe fydd y Gymdeithas Rieni ac Athrawon neu Gronfa'r Ysgol yn gwneud cyfraniad ac fe ofynnir am gyfraniad gwirfoddol wrth rieni i helpu gyda'r costau.

Telir am ymweliadau Manor Adventure/Canolfan yr Urdd yng Nghaerdydd a Gwersyll Llangrannog gan rieni/warchodwyr.

Helpu Achosion Teilwng

Bob blwyddyn byddwn yn annog y plant i helpu eraill drwy gasglu at wahanol achosion teilwng e.e. gweithgareddau noddedig.

Cymdeithas Rhieni ac Athrawon

Mae pob rhiant a phob aelod o'r staff yn aelodau awtomatig o'r Gymdeithas Rhieni ac Athrawon ac mae croeso iddynt fynychu'r cyfarfodydd. Mae'r ysgol yn gwerthfawrogi ymdrechion a chefnogaeth y rhieni. Dros y blynyddoedd prynwyd nifer o adnoddau drwy gyfraniadau hael y gymdeithas. Etholir swyddogion y gymdeithas yn flynyddol mewn cyfarfod cyffredinol a gynhelir yn ystod Tymor yr Hydref. Cyflwynir mantolen ariannol y gymdeithas i'r rhieni yn y cyfarfod blynyddol.

CROESO I YSGOL GLAN-Y-FFERI